

1248-1248- OFP - Acta Capitulum Generalium Parisius Celebrati

In nomine patris et filii et spiritus sancti. Amen.

Acta capituli generalis Parisius celebrati
anno Domini · M° · CC° · XLVIII°.

Confirmamus has constitutiones. Ubi dicitur in constitutionibus de silencio mense. et ipse taceat. addatur. nullus autem ibidem loquatur. nisi de necessariis mense. et hoc per unicam oracionem. breviter et submisse. Et hec habet · iii · capitula.

Item. hanc. Ubi dicitur. Anniversarium benefactorum. tertia die post nativitatem eiusdem. est faciendum. deleatur. tertia die post nativitatem eiusdem. et ponatur. sequenti die post festum beati Augustini. Anniversarium vero fratrum sequenti die post festum beati Dyonisii. Et hec habet · iii · capitula.

Item hanc. Ubi dicitur in constitutionibus. Tres fratres mittantur tantum Parisius de provincia. addatur. · iiiior · autem provincie scilicet. Provincia. Lombardia. Theutonia. Anglia. provideant ut semper in aliquo conventu ydoneo sit generale studium et sollempne. et ad illum locum. quilibet prior provincialis. potestatem habeat mittendi duos fratres ydoneos. ad studium. Et hec habet · iii · capitula.

Item hanc. Ubi dicitur in constitutionibus. Nullus fiat publicus doctor. nisi ad minus. · iiiior · annis theologiam audierit. addatur. nec disputet. nisi per licenciam prioris provincialis. et diffinitorum capituli provincialis. Et hec habet · iii · capitula.

Item. Confirmamus hanc. Tota ordinacio ecclesiastici officii a · iiiior · fratribus · iiiior · provinciarum facta; communiter per totum ordinem observetur. Et hec habet · iii · capitula.

Approbamus hanc. quod in anno diffinicionis priorum provincialium. socius priori provinciali assignatus a capitulo provinciali. admittatur in diffinicionibus loco eius. si ipsum contigerit non venire. Et hec habet · ii · capitula.

Item hanc. Ubi dicitur in constitutionibus. et a priore provinciali si ei visum fuerit. confirmetur. addatur. conventus autem qui petit confirmationem electi in priorem. numerum et nomina eligencium scribat provinciali. Et hec habet · ii · capitula.

Item hanc. Priores provinciales et conventuales et lectores in capitulis generalibus sive provincialibus. a fratribus suarum provinciarum vel conventuum; nulla-tenus repetantur. Et hec habet · ii · capitula.

Item. Inchoamus has in constitutionibus. Ubi dicitur. depositarii tamen esse possunt. addatur. in quolibet autem conventu instituantur duo fratres vel tres per priorem. qui deposita diligenter custodiant. sub diversis clavibus. quas numquam unus teneat. et cum testimonio fratrum recipiant et reddant. et hiidem eciam depositarii. sigillum conventus in deposito custodiant. et nemini tradant. nisi cum consensu conventus; vel maioris partis.

Item hanc. Ubi dicitur in constitutionibus. mortuo priore provinciali. vel amoto. etc. prior illius loci. ubi capitulum. etc. addatur. Si vero eundem infra tempus sue vicarie. mori vel amoveri contigerit. prior illius loci vel domus. ubi antecedens capitulum celebratum fuerat. vicem prioris provincialis in omnibus optineat. et sic deinceps. donec. etc.

Item hanc. Si quis per contumaciam vel manifestam rebellionem. inobediens prelato. etc. addatur. extiterit. vel cum eo intus. etc.

Item hanc. Quod nullus prior provincialis vel conventualis absolutus. immediate in eadem provincia vel conventu ad idem officium assumatur.

Item hanc. Ubi dicitur in constitutionibus. Priores cum suo conventu. etc. et causas eciam debitorum. addatur. debita autem pro edificiis construendis vel terminis dilatandis sive pittanciis conventui faciendis; nullatenus contrahantur ultra summam · xxv · librarum Turonensium. quibus non solutis; nullo modo alia contrahantur. pro causis memoratis.

Admonemus fratres singulos et universos et in remissionem peccatorum iniungimus. ut negocia ecclesie verbis et factis. tam inter se quam inter alios. fideliter foveant et promoveant. et contraria non attemptent. et caveant diligentissime. ne de factis domini pape obloquantur. vel Frederico deposito. in aliquo favorem. verbo vel facto prebere videantur. si qui contra fecerint; volumus quod per priores suos vel visitatores acriter puniantur.

Item. Admonemus priores et fratres universos. ut constitutionem de vilitate vestium. tam in clericis quam in conversis. in silencio et inclinacionibus. et ieiuniis diligencius faciant observari. etc.

Concedimus · ii · domos in provincia Romana et · i · in Ungaria de insula s. Marie ad locum alium transferendam.

Capitulum sequens in Theotonia apud Treverim celebretur.